


CUN ALTRIS VOI



CE LIBRI ISAL?

"Cun altris voi" al è un altri libri di contis scritis di **Gianfranco Pellegrini**.

Si trate di un librut picinin (11.5×17), incartonât in brossure, di 177 pagjinis, vignût fûr pe cjase editore Kappa Vu tal Dicembar dal 2017. Dentri si cjate ancje une postfazion di Laura Nicoloso. Lis contis a son 6: Sdrondenadis; Unare, donare, tenere; Il gjilè di cunin; Stramude di Vierte, Il spauraç, Il Morâr.

MA CUI ISAL L'AUTÔR?

Gianfranco Pellegrini (inte cuvierte dal libri) al è dal '54, al à vivût a Manzignel e Tresesin, ancje se al è nassût a Cormons e cumò al è a stâ a Val di Reane. Si è laureât in filosofie, a Triest, ma la sô passion pes tecnologjiis, pe logjiche e pe algjebre a doi valôrs lu à puartât a cjatâ lavôr intal cjamp de informatiche. Convint che la scriture e sedi il just completamente par considerâ "uman" il discors, al à vût insegnât furlan e al à publicât contis sul Strolc e su lis rivistis Sot la Nape e La Comugne. Al è preseât garzon e almancul un pâr di Contis di chest libri a àn **a ce fâ cu la nestre Ostarie**.

MA CE ISAL DENTRI, DI PRECÎS?

Sîs contis, une diferente di chê altre, par ambientazion e timp dai acjadiments. Ma dutis a

cjapin dentri fats che a interessin il nestri Friûl, ma cjâlât no inte solite maniere, ma di dentri, che al sedi il dentri dai personaçs, che al sedi il dentri de vicende. Cemût al viodie un frut la vuere e la azion partigjane? Cemût a viodie une femine che e scjampe cui fruts la rote di Cjaurêt? Cemût a viodie une none dal futûr la nestre lenghe e la umanitât che e à dentri? A son dome cualchidun dai esemplis de maniere di lavorâ di Gianfranco e de sô abilitât, in bande di chê stilistiche, a jessi contadôr che al cjape dentri il letôr e no lu mole. In chescj scrits **si cjale il timp lât e il timp che al à di vignî e no pâr che a si sparagnin criticjis su la nestre maniere di vivi.**

MA A CUI PUEDIÂL PLASÊ?

A ducj chei che a àn voie di lei storiis in furlan, furlanis, di cualitât. A chei che ur plâs lei alc che nol sedi curtissim, ma che nol impegni cu la complessitât di un romanç. **A chei che inte narrative a viodin un veicul par pandi un messaç, une maniere di viodi il mont, salacor, di cambiâlu.**

E SE O AI VOIE DI CJOLILU?

Facil. Si lu cjate **sul sît de Kappa vu**, o ancje inte sede di Onde furlane. E parcè di no, viodarin di meti adun un bancut ancje tes seradis di Contecurte. Al coste 12euro e ancjemò prin di vêlu finît si rive a la conclusion che a son spindûts benissim.

Let in Ostarie dal Ostîr